



S. VIII. 33.



43  
SUSPIRIA ET LACRYMÆ  
FUNEBRALES,

Quibus obitum ex hac miseriarum valle tristissimum

*Magnifici, Amplissimi, Clarissimi et Excellen-  
tissimi Viri*

Dn MARTINI BOCATII

U. J. Doctoris consultiſſimi, practici, longo usu, ma-  
gnâ variâq; experienciâ celeberrimi, Illustrissimorum, poten-  
tissimorumq; Principum ac Dominorum, Dni. PHILIPPI II. & Dni.  
PHILIPPI JULII Ducum Stetinenſium Pomeranorum &c. Di-  
casteriorum inclutorum apud Stetinenſes et VVolgastenses Advocati  
primarii, tum etiam illustrissimæ Principissæ ac Dnæ. Dn. ANNÆ MA-  
RIÆ cellſſimi Principis ac Dn. Dn. BARNIMI Ducis Pom. &c. P.M.  
relictæ Viduæ consiliarii præcellentiſſimi, ejusdemq; provincialis  
Judicii, quod Julini est, Præſidis ac Directoris quondam  
spectatiſſimi,

*Qui 19. Januarii placide in CHRISTO JESU exſpi-  
ravit corpus autem 23. Januarij terra omnium matri Ad  
D. Mariæ inhumatum est:*

LUGENT ET DEFLENT AMICI  
QVIDAM STUDIOSI.



ANNO RENATA IN CHRISTO CHRISTIA-  
NORVM SALVTE M. DC. XIII.

S T E T I N I,  
T Y P I S R H E T I A N I S.



SUSPIRIUM PRIMUM.

**S**i ita: iam non sunt, quæ quondam sæcla fuerunt:  
Aurea, nec qualis quondam fuit, oscine fausto  
Talis in humanis, facies viget aurea, rebus!  
Ferrea namq; omnem populantur sæcula mundum,  
Et luctum luctus; cœu fluctum fluctus, & undam  
Vnda fluens; sequitur cumuloq; sequetur abunde;

Si modò in hac spurca gentis mortalis amurcæ:  
Amplius infractò constabit robore moles  
Immundi mundi: sceleris nam fœda fluentia:  
Diro, diluvij complerunt, murmure, terram.  
Talis in humanis, facies fûrit horrida, rebus!  
Hinc tumidum, terris miscet mare; Lucifer orci  
Sceptriger: unâ Eurææ, gravidis creberg, procellis  
Affricus atq; Notus, volunt ad littora fluctus,  
Atq; ruunt totas, ex fundo, funditus urbes:  
Talis in humanis facies fûrit horrida, rebus!  
Mulciber hinc faculas tectis immittit apertas,  
Et resonâ domus alta cadit, combusta, ruinâ:  
Saxis saxa ruunt avulsa, & pulvere denso  
Fumus arit flammæ cœli candentis ad astra:  
Talis in humanis, facies fûrit horrida, rebus:  
Hinc Mars & Martis Germana cruenta flagello  
Ingreditur campis, & nubila, vertice, tangit  
Pomposo, tremulumq; minis reboanibus, orbem  
Territat, & largos profundit sanguinis imbres:  
Qualis, cum fuit alta, decenni, capta, labore

Troja



Troja, caput Phrygiae, Xanthus, Symöentis & unda  
 Faucibus infaustus, numerosa è cede, cruorem  
 Absorpsere, feris Dolopum furiantibus armis:  
 Sic iterum tellus scutis quassata virorum  
 Ingemit, & fuso madefacta cruore rubescit,  
 Talis in humanis facies furit horrida rebus!  
 Pallida Thysiphone, neglectos undiq; crines  
 Anguibus exuberans, mortali è sanguinis ortu  
 Per versam in terram natos in vadit, & atram  
 Ceu quondam Pandora; luem disseminat, inde  
 Semina multiplicis succrescunt tabida morbi:  
 Hinc gangraena febris, varij & tormenta doloris,  
 Tussis anihela grædo, apoplexia, pestis, & atri  
 Sanguinis effluxus, cholera & pleuritis, & asthma,  
 Et qui sunt reliqui morbi, quos claudere versu  
 Horreo, queis horret calamus superaddere nomen!  
 Talis in humanis facies furit horrida rebus!  
 Ecquæ non fortis sunt fulmina per via? quæ non  
 Rebus in humanis mortales fata fatigant?  
 Quid multis? tellus est putida lerna malorum!  
 Hic bona non bona sunt verè, licet esse videntur:  
 Nam mala mixta bonis, semperq; incommoda secum  
 Adfert commoditas: quondam bona vera Jehova  
 Ille parens dabit his, qui speq; fideq; triumphum  
 Demeruere sibi, qui tot certamina Carnis  
 Et mundi & Sathanae & Peccati sepe secundo  
 Successu vicere: bonis bona talia restant!  
 Ergone quis cuperet numerosa stamina vitæ  
 Nectere non Parcas Parcas sibi? quis sibi mortem  
 Non potius votis prægnantibus optet, ut inde  
 Ereptus mundi tenebris creperog tumultu,



In veram patriam migret? quo labe solutus  
Splendeat, ac humiles tandem dediscere terras  
Disceat: ut optatam pacis fragrantis olivam  
Decerpat, Triadosq; sacre venerabile Numen  
Cernat in aeternum; Nectarq; ex flumine vivo  
Sorbeat, Ambrosiaeque faris saturetur opimis!  
Ergo o felicem te terque quaterque Bocati,  
Juris ocelle sacre quondam, Themidosque sacelli  
Bartholomaei, vigil. Stetiniensis gloria fama  
Quem gemit, aula Ducis VVolgastidos incluta fult  
Quem gemit, & crebro singultu luget ademptum  
Civica turba, tua cynosura crepta tumultu  
Ex vario: o nimium, nimium te quisque beatum  
Dicit, & hoc verè dicit: nam, relinquere mundum  
Dum satagis, sortis relinquis in hospita saxa  
Atque doloris iter plenum, plenumque laboris,  
O te felicem! te non tenet horror & angor  
Amplius, atque non terrent praenuncia luctus.  
Namque iter emensus vitae, viridantia Tempe  
Elysiumque nemus colis incolae, lata luxventus  
It comes aetherei campi, spaciandoque claros  
Exhilaras oculos, tibi cor dulcedine tanta  
Luxuriat, votoque Deum veneraris, & inter  
Heroes superos centum discrimina vocum  
Ingeminare iuras choreas simul, atque frequentas:  
Talis in aethereis facies viget aurea campis!  
Hic non Neptunus sevo commota tridenti  
Aequora perturbat, Nereus non miscet arenas;  
Non Zephyrus, Boreasque tonant, nec murmure dico  
Exanimant animas; placido sed murmure sancta  
Flaminis aetherei sonat aura, sovetque benigno

Afflatu




Afflatu superos & totum perstrepat horum!  
 Talis in æthereis facies viget aurea campis!  
 Hic non flamma ferax ades invadit & urbes,  
 Mœnia nec rapidum recidunt destructa per ignem:  
 Sed sacer infundit divini luminis ignem  
 Spiritus, ac igni sacra corda subimplet amoris,  
 Ut verâ pietate canant Dominumque patremque:  
 Talis in æthereis facies viget aurea campis!  
 Hic non sanguineâ, Bellona maligna bipenni  
 In pugnas & bella viros ciet acta furore  
 Tergimino, cristis non hic à vertice flamma  
 Funditur, aut vastos umbo vomit aureus ignes:  
 Ferrea Cornipedum non hic quatit ungula campum  
 Armorumque sonus superum non territat aulam:  
 Sed Pax & croceo plaudens Concordia populo  
 Cælestes animas animat, semperque recenti  
 Target amore jecor divino, Hinc ordine longo  
 Pars pedibus plaudit choreas, pars altera bombo  
 Mellifono ingeminat cantus & júbila jactat:  
 Talis in æthereis facies viget aurea campis!  
 Hic non morborum genus intolerabile corpus  
 Afficit hic phyltri non sunt aconita maligni,  
 Nec pestis cæli corrupto tabida tractu  
 Exoritur: sed ibi sunt omnia plena secundâ  
 Temperie, datur hic mens sana in corpore sano:  
 Talis in æthereis facies viget aurea campis!  
 Ergo quid lacrymis tua lumina glauca subortis  
 Deformas, tanto conjux viduata marito  
 Cur nate & nata lacrymarum funditis undam  
 Fluminis in morem! nec quicquam funditis: ille,  
 Ille tuus quondam, generosâ mente maritus:



*Ille parens vester quondam charissimus, ille  
 Ex morte ad vitam, densa ex caligine carnis  
 Ad lucem redijt, nunc pro feriore quietem  
 Sorte, tenet placidam, primæ genetricis in ulnis  
 Molliter ossa cubant, violis decorata tenellis  
 Atq; rosis myrtoq; sacrâ, quam juris & æqui  
 Præses alma Themis summi monumenta doloris  
 Imposuit, Tineas Blattasq; hinc fuste trisulco,  
 Arcet, ut aternum, post fata peracta, supersint  
 Semper honos & non moritura gloria famæ:  
 Spiritus ad Dominum redijt, qui cælitus illum  
 Indidit & jussit mortalem habitare cloacam.  
 Ergo iterum dico, lacrymas abstergite mæstas,  
 Quos tenet affectus nimius: Nam janua vitæ  
 Est Mors certa piis, & meta extrema malorum!*

*Cum luctu & suspiriis apposuit Jacobus Brandenburgius Rubino-Marchicus,*

## S E C U N D U M,


 Dolor ô lacrymæ, quæ nunc tristissima Fata  
 Eveniunt nobis? heu diræ spicula mortis  
 Extinxere virum, cui vix è millibus unus,  
 Doctrinâ similis, toto reperitur in orbe.  
 Scire cupis nomen? DOCTVS BOCATIVS ille est,  
 Quem mors in mediâ vitâ truculenta peremit,  
 Hic hodiè mandatur humo, dolor heu! dolor eheu!  
 Ingenio & Genio doctum mors parcere nescit!  
 O Nati lugete patrem, lugete clientes  
 Patronum, vobis qui tempore profuit omni;  
 Flete, sed haud veluti gentes, quæ nulla fides est,  
 Terra tegit corpus, coelesti vescitur aurâ

Mens



Mens pia defuncti. Si quis bene militat illi  
Est finis foenus, mors fors & amabile lacrum.

Elias Voigt Stettin, Pomeran.

### T E R T I U M.



*S*iccine tellurem linguens, hoi! occidis? eheu!  
Bocati Doctor, longâ dignissime vitâ?  
Siccine Parca ferox, hominum contraria votis,  
In medio vitæ rapuit te limine vitæ?  
Siccine vernans i pulchrè ac ætate virili  
Atropos, heu! vitæ succidit stamina juncta?  
Quis tibi non longos optaret Nestoris annos?  
Vt Musis decus, atq; Tuis confida columna  
Extares: mæstæ flent Musæ funera mæsta.  
Mæstus Apollo lyrà luget, sunt undiq; plangor.  
Ac angor dolor, heu! eheu! heu plangor & angor!  
Ingeminat lacrymas conjux: mæstissima mæstas,  
Ingeminat, luget, fatur dulcissime con:ux:  
Quò te tam subito rapis & me deseris? eheu!  
Nunc mihi ubi requies? sine te mihi vita dolorem  
Gignit, te sine dulce nihil, tu gaudia nostra  
Tecum sumisti miseræ iam lumen ademptum.  
Heu mihi! nigra dies, ô ô quam nuncius atrox!  
Saucia luctificoferiens mea vulnere corda.  
Nigra dies! certè nigris signanda lapillis.  
Ab ahristi! i! luctus ô nuncia tanti?  
Sic conjux, Musæ mæstissima funera plangunt:  
Astræ Antistes, Charitum flos, ara Themistos,  
Juridice Jussus, lumen sapientiæ ocellus  
Eheu! discedens oculos & sidera claudit.  
Plangite, manibus & meritis persolvite honores.

Planzi.



Plangite : nam cecidit Doctor Bocatius, ille  
Divorum soboles, Sadaq; Ducumq; voluptas,  
Principum amor, juris templum, defensor honesti.  
Vixit rerum quæ munerat ara Themistos  
Cui fama celebris non en dant enthea secla,  
Doctor qui poterat commissa negotia causse  
Tunc se doctrina ratione resolvere & equo,  
Clarus & ingenio qui consilioq; valebat  
Eheu! cum genu dixit, Jam Munde valeo;  
Lethæa mortis degustans pocula amara,  
Fler pia Calliope, tenebris abscondita Clio  
Ejulat, atq; rigat lacrymis defessa Thalia.

At quid? (testatur velut experientia testis)

Est hominum vita inconstans, est lubrica, fluxa,  
Sic bene complacuit Domino, cui summa potestas,  
In cujus manibus sita sunt Mors, vitæque solùm,  
Qui voluit reprobum te, Doctor, linquere mundum,  
Ac æternâ pace frui, dulciq; quiete.

Sodes, quid juvat in terris contextere telas

Vitæ prolixas, ubi gaudia nulla supersunt;

Sed modò perfidia impietas, genus omne malorum:?

Qua propter fas est tristes inhibere querelas:

In fati quoniam fuerit non longior hora,

Cunctis introitus mors est ad gaudia coeli,

In Christo fixam qui spemque fidemque locârunt,

Et quis tristetur? morborum mole solutum

Corpus humi recubat, sed spiritus incolit astra:

Non ubi sunt morbi, non ærumnosa senectus

Sed requies & amor, pax ac æterna voluptas,

Perpetuus splendor, patria lux aurea vita:

Hortulus & paradyisiacus, sedesq; piorum

Et locus optandus, precium in quonobis mentes

Accipient



*Accipient magnæ, quò flores aura beata  
Elysiis mulcet, quò tinnula tympana clangunt,  
Quò cythara resonant, quò vernant tempora n ille:  
Ad quæ nos omnes ducat Salvator IESVS.*

Condolentiæ testificandæ gratiâ lugens  
lubensque affixit

MICHAEL GRVNEBANDVS  
Prentzloâ-Marchita.

## Q U A R T U M.

**D**icite fatorum tria præscia numina Parcæ,  
Quæis novisse datum, dicite fata, precor.  
Dicite quid causæ, quæso, sit, quidve per illud  
Intendat, cœli qui regit astra, Deus?  
Namque socrus paucis elapsis ante diebus,  
Vivere digna diu morte preempta fuit.  
Ecce gener sequitur fato præventus iniquo,  
Non ætate gravis vir cadit ante diem.  
Hoc scio, nec fallax animum mihi decipit omen,  
Consilio id fieri persapiente DEI.  
Horrida mors latum terræ penetravit & orbem  
Ob crimen, quod nos efficit esse reos.  
Confestim hinc homines mors jus accepit in omnes,  
Nec sua scit miseris parcere sæva manus.  
Illam non animi mores, non pectoris artes  
Flectunt, non illam splendida facta movent.  
Divitias temnens modò septra ligonibus æquat,  
Sit licet in summo fama locata gradu.  
Ergò non opusest nimium ut doleatis amici,  
Quos sibi defuncti conciliavit amor,

B

Funda-



Fundatisque oculis largos stillantibus imbres,  
 Cunctis namq; via est illa terenda semel.  
 Sistat quisque modum lachrymis, nec defleat illum,  
 Ægrâ quem vitâ hac avocat ipse DEV.S.  
 Nam quicumque piè moritur, mox incola cœli  
 Fit, meritisque suis præmia justa refert.  
 Sunt equidem luctus causæ multæque gravesque;  
 Sed vos Christicolæ non ita flere decet,  
 Vt gens ætherci cœtu seclusa parentis;  
 Nam vos sacra jubent verba tenere modum.  
 Vos pater omnipotens mœstas soletur amicos,  
 Relictos natos respiciatque bonus,  
 Defunctique animam jungens cum corpore, letho  
 Ereptum jubeat templa subire poli,

*Condolentia ergò apponere voluit*

*Joh. h. Crugerus Stettin. Pom.*

## Q U I N T U M.

*L* Ampas diem Phœbeia ceu docet  
 Fundens ab aulâ perpetuus comam  
 Vita: Pius sic fors acerba  
 Dicit adesse Deum benignum.  
 Aura secunda nam Zephyri citi,  
 Duri mali vis, vita cadens, simul  
 Et mortis atra Tela tetra,  
 A patre proveniunt JEHOVA.  
 Et sorte quem durâ premit Arbiter  
 Mundi, suis cœlestibus implet hunc  
 Flammis, & hic cujus flagellis

*Terga*



*Terga secat, quater est beatus.  
 Ex valle durâ latrâgi rapit  
 Hunc orbis, & summi vebit ad poli  
 Culmen, ne permutet, maligna  
 Ejus & improba turba captum.  
 Quare quietis ducito tempora  
 Conjux relicta, & tollite vos citò  
 Natæ gementes heu querelas  
 Tristitiasq; fugato nate.  
 Non mortui sors deterior fero  
 Est facta letbo, longè sed aptior:  
 Hic inter hirsutas & acres  
 Sic erat assidue ille spinas:  
 Illic modo inter molliculas rosas  
 Exsultat, ergo quid sibi queso iam  
 Gravis veledax angor iste,  
 Quid lacrymæ madidæ veludæ?*

*Petrus Grönenbergius Dam. Pom.*


# V L T I M V M.

**Q**uid? vana sunt resistere  
 Morti rapaci, dissecat  
 Quæ falce curvatâ genus  
 Mortale sine discrimine.  
 Pultat tabernas divitum,  
 Pultat tabernas pauperum:  
 Omnes suis Mors horrida  
 Necat sagittis horridis.  
 Eheu, velut **BOCATIVS**

Doctor Themistos nobilis  
 Testatur exemplo suo.  
 Luge Vidua mœstissima,  
 Lugere Natæ, Nateq; ;  
 Servate sed luctus modum:  
 Nam, qui hoc in orbe sordido  
 Vixit benè & obivit benè  
 Nequaquam obit, & cælica  
 Ut intret, exit, gaudia.

*Johannes Fridericus Ramborius Stetin. Pom.*









921116 **Bibliotheca** 105 000  
**P.P. Camaldulensium in Bielany**

Depozyt w Bibliotece Jagiellońskiej



06393

S.VII.33



